



**PROTOKOL
ZA DODJELU NAGRADA
(FINALNE UTAKMICE KUP-a BiH I
FINALNI TURNIRI MLADIH KATEGORIJA)**

Sarajevo, jun 2019. godine

1. UVOD

Ovaj Protokol za dodjelu nagrada i zatvaranje finalnih odbojkaških turnira Odbojkaškog saveza BiH opisuje procedure vezane za takmičenje u KUP-u i takmičenju mlađih kategorija OS BiH.

Tokom ceremonije nagrađivanja moraju biti prisutni prvoplasirani i drugoplasirani klub u KUP-u BiH, a u takmičenju mlađih kategorija i trećeplasirani klub, kao i odbojkaši-ice dobitnici pojedinačnih nagrada.

Ceremonija je podjeljena na dva dijela:

- Dodjela nagrada za najbolje odbojkaše-ice.
- Dodjela nagrada za prvoplasirani i drugoplasirani klub učesnik finalne utakmice KUP-a BiH odnosno dodjela nagrada za prvoplasirani, drugoplasirani i trećeplasirani klub učesnik turnira mlađih kategorija OS BiH.

Samo odbojkaši-ice upisani u Zapisnik i treneri klubova imaju pravo prisustvovati ceremoniji dodjele nagrada i zatvaranja turnira. Samo tim osobama uručuju se nagrade tokom ceremonija nagrađivanja. Preostali dio medalja predaje se treneru kluba koji ih kasnije distribuira ostalim članovima kluba. Bilo kakve promjene ili uključivanje drugih osoba u ceremoniju nagrađivanja u isključivoj su nadležnosti delegata-kontrolora utakmice i/ili zvaničnog predstavnika Odbojkaškog saveza BiH na toj utakmici.

Kompletnu ceremoniju dodjele nagrade i zatvaranja turnira vodi oficijelni spiker utakmice/turnira u skladu sa ovim Protokolom.

2. OPREMA POTREBNA ZA PRIPREMU CEREMONIJE DODJELE NAGRADA I ZATVARANJA TURNIRA

- a) Dva podijuma slijedećih dimenzija (obezbjeđuje organizator turnira):
 - Prvi podijum 9,5 m dužine, 0,50 m širine i 0,50 m visine.
 - Drugi podijum 9,5 m dužine, 0,50 m širine i 0,30 m visine.
- b) U slučaju nemogućnosti korištenja podijuma potrebno je obezbijediti tri odnosno četiri crvene itison staze minimalnih dimenzija 10 m dužine i 1 m širine (obezbjeđuje organizator turnira).
- c) Kompletan set medalja za ekipe (20 zlatnih i 20 srebrnih medalja). Medalje obezbjeđuje OS BiH.
- d) Dvije odnosno tri „tacne“ na koje će se postaviti medalje za prvoplasirani i drugoplasirani klub odnosno trećeplasirani klub u takmičenju mlađih kategorija.
- e) Pehar za klub pobjednika finalne utakmice - turnira (obezbjeđuje OS BiH).
- f) Nagrade za najbolje odbojkaše-ice finalne utakmice - turnira – obezbjeđuje organizator turnira.
- g) Dvije odnosno tri table sa nazivima prvoplasirani i drugoplasirani klub kao i trećeplasirani klub u takmičenju mlađih kategorija dimenzija 0,70 m x 0,30 m za svečani defile (obezbjeđuje organizator turnira).

3. OSOBLJE POTREBNO ZA SPROVOĐENJE CEREMONIJE DODJELE NAGRADA I ZATVARANJA TURNIRA

- a) Spiker sa iskustvom u prenosu odbojkaških utakmica.
- b) Predstavnik domaćina utakmice - turnira koji će preuzeti ulogu voditelja ceremonije i koji će koordinirati kretanje i pozicioniranje osoba uključenih u ceremoniju u skladu sa ovim Protokolom.
- c) Tri hostese koje će nositi „tacne“ sa medaljama i pehar za pobjednika turnira.
- d) Dvije ili tri osobe koje će nositi table sa nazivom klubova učesnika u ceremoniji dodjele nagrada i predvoditi iste do mjesta na kojem će se obaviti postrojavanje i dodjela nagrada.
- e) Tehničko osoblje (5 osoba) za pripremu i namještanje opreme za ceremoniju.
- f) Zvanični fotograf.

4. PRIPREMNE AKTIVNOSTI

Tokom finalne utakmice:

- a) Voditelj ceremonije:
 - provjerava da li je sva oprema i osoblje potrebno za sprovođenje ceremonije spremno.
 - Sa hostesama provjerava medalje i pehare.
 - Daje upute osobama koje će uručivati medalje i pehar da se prilikom uručjenja nagrada okrenu prema kameri (u slučaju prenosa utakmica putem TV), odnosno prema fotografu.
 - Daje sve potrebne instrukcije spikeru koji će najavljivati i viditi aktivnosti vezane za ceremoniju dodjele nagrada i zatvaranja turnira.
- b) Organizator finalne utakmice-turnira obavještava oficijelnog spikera, delegata-kontrolora i zvaničnog predstavnika OS BiH o imenima osoba koje će dodijeliti medalje prvoplasiranom i drugoplasiranom klubu a za finalne turnire mlađih kategorija i trećeplasiranom klubu.

Odmah po završetku utakmice:

Onog momenta kada odbojkaši-ice koji su igrali finalnu utakmicu napuste teren;

- a) Spiker traži od gledalaca da ostanu na svojim mjestima tokom perioda pripreme za ceremoniju dodjele nagrada i zatvaranja turnira.
- b) Tehničko osoblje:
 - Demontira i odnosi opremu potrebnu za odigravanje utakmice (stubove, mrežu i sudijsku stolicu).
 - Postavlja podijume ili crvene itison staze u skladu sa nacrtom predstavljenim u ovom Protokolu.

- c) Voditelj ceremonije:
- Provjerava prisustvo svih odbojkaša-ica koji moraju biti obučeni u dresove.
 - Daje instrukcije prvoplasiranom i drugoplasiranom klubu o redosljedu ulaska na teren tokom ceremonije (trener na čelu kolone, iza njega ostali odbojkaši-ice i na kraju kapiten kluba).
 - Daje instrukciju nosačima tabli sa imenom kluba kuda da se kreću tokom predvođenja klubova .
- d) Hostese zauzimaju poziciju uz stol na kojem se nalaze medalje i pehar.

5. ZVANIČNI POČETAK CEREMONIJE

Br.	Početak	Zvanični spiker	Dešavanje
1	Odmah po završetku utakmice	Zvanični spiker najavljuje pripremu za ceremoniju: „Dame i gospodo. Molimo da ostanete na svojim mjestima; ubrzo ćemo započeti sa ceremonijom dodjele nagrada i medalja za prvoplasirani, drugoplasirani i trećepasirani klub u _____ (naziv takmičenja).“	Klubovi odlaze do svojih klupa. Tehničko osoblje namješta opremu za ceremoniju u skladu sa nacrtom predstavljenim u ovom Protokolu.
2			Svi učesnici koji će dodjeljivati nagrade odlaze do zapisničkog stola.
3	Ceremonija započinje odmah kada se sve pripremi i kada su svi učesnici spremni		Svi učesnici koji će dodjeljivati nagrade stupaju na crvenu itison stazu.
4		Zvančni spiker najavljuje početak ceremonije: „Ceremonija dodjele nagrada i zatvaranja _____ (naziv takmičenja) u organizaciji Odbojkaškog saveza BiH i Odbojkašog kluba _____ (klub domaćin tutnira).“	

5		<p>Spiker najavljuje. „Dame i gospodo sada ćemo predstaviti najboljeg odbojkaša-icu utakmice-turnira. Za najboljeg odbojkaša-icu proglašen-a je _____ (ime i prezime) iz _____ (ime kluba odbojkaša-ice). Nagradu najboljem odbojkašu-ici će uručiti _____ (ime, prezime i funkcija osobe)“.</p>	<p>Osoba koja uručuje nagradu najboljem odbojkašu-ici u pratnji hostese prilazi centralnom mjestu na podijumu/crvenoj itison stazi i uručuje nagradu.</p> <p>Odbojkaš-ica u pratnji hostese prilazi podijumu/crvenoj itison stazi, prima nagradu i u pratnji hostese odlazi do svog kluba.</p>
6	<p>Odmah nakon ceremonije dodjeljivanja nagrade za najboljeg odbojkaša-icu.</p>	<p>Spiker najavljuje: „Dame i gospodo, sada ćemo započeti sa ceremonijom dodjele nagrada takmičenja prvoplasiranom, drugoplasiranom i trećeplasiranom klubu _____ (naziv takmičenja)“.</p>	<p>Oba kluba su spremni za izlazak prema podijumu /crvenoj itison stazi.</p>
7	<p>Prvoplasirani i drugoplasirani klub korača iza nositelja table na natpisom imena kluba i postrojava se iza podijuma ili na crvenu itison stazu.</p>	<p>Spiker najavljuje slijedeće: „Trećeplasirani klub finalnog turnira _____ (naziv takmičenja) je Odbojkaški klub _____ (naziv kluba)“.</p> <p>„Drugoplasirani klub finalne utakmice-turnira _____ (naziv takmičenja) je Odbojkaški klub _____ (naziv kluba)“.</p> <p>„Prvoplasirani klub finalne utakmice-turnira _____ (naziv takmičenja) je Odbojkaški klub _____ (naziv kluba)“.</p>	<p>Klubovi ulaze na teren predvođena nositeljom table sa imenom kluba i postrojavaju se iza podijuma ili na crvenu itison stazu.</p>

8		<p>Spiker najavljuje slijedeće: „Dame i gospodo, medalje trećeplasiranom klubu finalnog turnira _____ (naziv takmičenja) uručiće _____ (ime, prezime i funkcija osobe)“.</p> <p>„Dame i gospodo, medalje drugoplasiranom klubu finalne utakmice-turnira _____ (naziv takmičenja) uručiće _____ (ime, prezime i funkcija osobe)“.</p> <p>„Dame i gospodo, medalje prvoplasiranom klubu finalne utakmice- turnira _____ (naziv takmičenja) uručiće _____ (ime, prezime i funkcija osobe)“.</p> <p>Tokom dodjele medalja spiker najavljuje ime svakog odbojkaša-ice.</p>	<p>Osoba koja uručije bronzane medalje u pratnji hostese prilazi podijumu/crvenoj itison stazi i uručuje nagradu.</p> <p>Osoba koja uručije srebrene medalje u pratnji hostese prilazi podijumu/crvenoj itison stazi i uručuje nagradu.</p> <p>Osoba koja uručije zlatne medalje u pratnji hostese prilazi podijumu/ crvenoj itison stazi i uručuje nagradu.</p>
9		<p>„Dame i gospodo, pehar klubu pobjedniku finalne utakmice-turnira _____ (naziv takmičenja) uručiće _____ (ime, prezime i funkcija osobe)“.</p>	<p>Osoba koja uručuje pehar u pratnji hostese prilazi podijumu/ crvenoj itison stazi i uručuje nagradu.</p>

Po završetku ceremonije dodjele nagrada osobe koje su dodjeljivale iste odlaze crvenom itison stazom do zapisničkog stola, a prvoplasirani, drugoplasirani i trećeplasirani klub ostaju da se fotografišu, daju izjave prisutnim medijima. Nakon toga napuštaju teren i odlaze prema svlačionicama.

Prvoplasiranom i drugoplasiranom klubu učesniku finalnih utakmice KUP-a BiH uručuje se:

- Prvoplasiranom klubu: 20 zlatnih medalja i pobjednički pehar.
- Drugoplasiranom klubu: 20 srebrenih medalja.


Prvoplasiranom, drugoplasiranom i trećeplasiranom klubu, učesnicima finalnih odbojkaških turnira OS BiH (mlađe kategorije) uručuje se:

- Prvoplasiranom klubu 20 zlatnih medalja i pobjednički pehar.
- Drugoplasiranom klubu 20 srebrenih medalja.
- Trećeplasiranom klubu 20 bronzanih medalja.

Broj: 01/3-271/19
Datum, 30.06.2019. godine

DIREKTOR TAKMIČENJA
Nikola Košević, s.r.

ZVANIČNI NACRT TERENA ZA CEREMONIJU DODJELE NAGRADA UČESNICIMA FINALNE UTAKMICE KUPA BiH (OSNOVNA POSTAVKA)



ZVANIČNI NACRT TERENA ZA CEREMONIJU DODJELE NAGRADA I ZATVARANJA TURNIRA MLADIH KATEGORIJA OS BiH (OSNOVNA POSTAVKA)

